

## HEADLINES

۱. سماجی بہبود غی وزیر سکینہ اتو نے اج جموں کشمیر مانہ معزور افراد بارے مجموعی علاقائی مرکزوں بارے جائیزو لیتا واں کہیو جے بزرگ شہریاں تے معزور افراد مانہ فائدو پیجان خاطر طریقہ کار مانہ آسان تے دوستانہ اقدامات لین گی لوڈ ہے۔
۲. زراعت گا وزیر ستیش شرما نے جموں مانہ تیل گا بیج بارے مشن غے تحت ترقی پسند کساناں گا نمائشی دورہ غو آغاز کیو۔
۳. شمالی ریلوے نے تہوار گے پیش نظر رش مانہ کھٹ کرن واسطے خصوصی ریل خدمات مانہ مزید چار دن واسطے بدھا دتو ہے۔
۴. آکاشوانی گا مشہور درجہ بند من غی بات پروگرام اج 11 واں سال مانہ داخل ہو گیو ہے۔
۵. مغربی ہواواں گا رُخ غے پیش نظر اج کشمیر گا بالائی علاقوں مانہ پہلی برف باری گا خوبصورت منظر دیکھیا گیا ہیں۔

\*\*\*\*\*

## ITOO CRC

سماجی بہبود غی وزیر سکینہ اتو نے بزرگ شہریاں تے معزور افراد غا فائدہ واسطے طریقہ کار مانہ آسان تے عوام دوست بنان ور زور دتو وزیر موصوفہ نے یاہ گل سرینگر تے جموں گا کمپوزٹ صوبائی مرکز غی کارکردگی غو جائزو اجلاس غی صدارت کرتا واں کہی۔ انہاں نے سی آر سی مراکز مانہ ہدایت دتی کہ دور دراز علاقوں مانہ بیداری کیمپ لاویں تے آلات غا معیار مانہ لازمی جانچیں انہاں نے کہیو کہ معزور افراد واسطے سہولتاں توڑی رسائی ایک مشکل چیز ہے تے اس شعبہ مانہ حکومت مانہ مزید کم کرنو وے غو لوکاں مانہ ماری ضرورت ہے تے یہ ماری ذمے داری ہے کہ ہم ان غا دروازہ توڑی عزت سنگ ہم سہارو پُجائیں۔

\*\*\*\*\*

## SATISH OILSEED

وزیر ستیش شرما نے اج چھمب حلقہ گا 62 ترقی پسند کساناں مانہ کرسی وگیان کیندر آر ایس پورہ جموں گا ایک روزہ دورہ مطالعہ واسطے روانہ کیو یوہ دورو تیل غا بیج ایچ اے ڈی پی سکیم غے تحت منعقد کیو گیو ہے، تانجے کساناں مانہ جدید ٹیکنالوجی تے بہتر طریقوں غا بارا مانہ آگاہ کیو جاسکے وزیر نے کہیو کہ خوردنی تیل کی درآمدات مانہ کھٹ کرن واسطے سائنسی تربیت ضروری ہے جموں زراعت غا ڈائریکٹر انیل گپتا نے کساناں ور زور دتو کہ آمدنی مانہ بڑھاویں تے پائیداد کھیتی واسطے مشروم غی کاشت وی شروع کریں۔

\*\*\*\*\*

## TRAIN EXTENDED

تہوار گا موسم مانہ مسافراں گی مانگ مانہ بابدو گے پیش نظر شمالی ریلوے نے شری ماتا ویشنو دیو کتڑا تے بانہال بشکار خصوصی ریل خدمات مانہ بدھا دتو ہے واضع رہے جے 04687/04688 نمبر آلی ایل گڈی پہلاں 19 ستمبر توں 3 اکتوبر توڑی چلائی گئی تھی تے بُن اس مزید چار دن یعنی 3 اکتوبر توں 7 اکتوبر توڑی جاری رکھیو جے غو جموں صوبہ ریلوے حکام گی طرفوں لیو گیو یوہ فیصلو مسافراں مانہ سڑک گا سفر زیادہ تحفظ تے آسانی فراہم

کرے یوہ وی واضع رہ جے اس ریل گڈی گو وقت بدستور برقرار رہے گو تے مزید تفصیلات  
واسطے بھارتی ریلوے کی ویب سائٹ نانہ دیکھیں یا 139 نمبت ور کال کریں۔

\*\*\*\*\*

#### GST CARS

درمیانہ طبقہ اگ گھراں واسطے بڑی راحت حکومت نے جدید دور غی جی ایس ٹی اصلاحات  
غ یتحت نکی گڈیاں ور ٹیکس غی شرح نانہ 28 فی صد تیں کہٹ کرغے 18 فی صد کردتو بے  
تانجے چھوٹا قصبہ تے شہراں مانہ گڈیاں غی فروخت بدھے جی ایس ٹی کونسل  
توڑی غی 2 پہیاں آلی گڈیاں ور وی ٹیکس 28 فی صد تیں کہٹ کرغے 18 فی صد کیو cc نے 350  
بے حکومت غو کہنو بے کہ یوہ قدم نہ صرف صارفین ور مالی دباؤ کہٹ کرے غو بلکہ  
روزگار وی پیدا کرے غو۔ ایک دکاندار نے اس فیصلہ غو خیر مقدم کرتا واں اس طرح کہیو۔

\*\*\*\*\*

#### MKB 11 YRS

وزیر اعظم نریندر مودی گا مہانہ ریڈیو پروگرام منگی بات نے اج اپنا 11 سال پورا کر لیا ہیں یاد  
رہے جے 2014 مانہ اج غے تہاڑے من غی بات گی پہلی قسط وجے دشمنی گ موقع ور  
آکاشوانی تون نشر کی گئی تھی حال ہی مانہ وزیر اعظم نریندر مودی نے پروگرام کی 126 ویں  
قسط مانہ قوم سنگ خطاب کی وبے قابل ذکر بے جے یاہ نشریات من گ بات ثقافتی تے  
سماجی تبدیلی کی علامت بن گئی بے جہڑی ملک گا کوناں کوناں توڑی پُج رہی بے تے کئیں  
براں تون اس نشریات کی پیش نظر وزیر اعظم نے عوام بشکار براہ راست رابطو قائم رکھیو بے  
اس بارے بولتا واں وزیر اعظم نریندر مودی نے اس طرح کہیو۔

\*\*\*\*\*

#### POJK PROTESTS

پاکستان مقبوضہ جموں کشمیر مانہ مظاہرین تے پاکستانی فورسز بشکار پُر تشدد جھڑپ  
مانہ قریب 10 افراد ہلاک ہو گیا ہیں تے درجنان افراد شدید زخمی ہوا ہیں واضع رہ جے سیول  
سوسائٹی اتحاد کی طرفوں پاکستانی حکومت نانہ پیش کی اگیا قریب 38 مطالبات گی  
منسوخی تون بعد یہ پُر تشدد مظاہرو شروع ہوو جس تون خطہ مانہ چار تہارا تون تمام  
کاروباری نظام بند نظر آریو بے تے اس سلسلہ مانہ ایک اعلیٰ سطح وفد نے سیول سوسائٹی  
اتحاد سنگ گل بات شروع کی بے قابل ذکر بے جے پاکستان مقبوضہ جموں کشمیر گا  
خورشید سڈیڈ مانہ ان افراد کی نماز جنازہ پڑی گئی جہرا مظفر باد پولیس کی فارتنگ  
مانہ ہلاک ہوا تھا۔

\*\*\*\*\*

#### FIRST SNOWFALL

محکمہ موسمایت نے دسیو بے جے کشمیر گا بالائی علاقہ گلمرگ کی افروت پہاڑی غی  
چوٹی ور اس سال گی پہلی برف باری غو منظر دیکھیو گیو مہارا آکاشوانی گا نامہ نگار نے  
دسیو بے جے 4 تیں 7 اکتوبر غے بشکار مغربی ہواواں سنگ جموں کشمیر اندر موسمی تبدیلی  
گا امکان نظر آریا ہیں تے عوام نانہ اس بارے خبر دار کیو گیو بے اس موسمی تبدیلی گے پیش  
نظر بڑا پیمانہ ور بلکہ تون درمیانہ درجہ گی بارش تے بالائی علاقاں مانہ برف باری گا امکان  
نظر آریا ہیں۔ جد کہ جموں گا کُجھ علاقاں مانہ گرج چمک سنگ تیز ہواواں گی توقع کی  
جاری بے۔ اس بارے بولتا واں ماہر موسمیات محمد حسین میر نے اس طرح کہیو۔

\*\*\*\*\*

ریجنل ٹرانسپورٹ دفتر رام بن ضلع مانہ سڑکاں غی حفاظت بہتر بنان واسطے سرگرم ہے  
 مختف محکماں غے نال مل غے سڑک غی حفاظت غا منصوبہ بنایا جارہیا ہیں تے بیادری  
 پروگرام منعقد کی جارہیا ہیں محکمہ گڈیاں غی حالت گا اصولاں نانہ وی سختی سنگ نافز  
 کرربوی ہے تے کاغذات تیں بغیر یا خراب گڈیاں نانہ ضبط کیو جارہیو ہے اس غے نال ہی  
 محکمہ موٹر گڈی باقاعدہ جانچ مہم چلا رہی ہے تانجے ٹریفک قوانین ور عمل نانہ یقینی  
 بنایو جاسکے۔ خاص طور ور دوپیہپ واسطے حکام نے تمام بائیک سواراں تیں اپیل کی ہے کہ  
 بیلٹ پہنیں تے درست کاغذات نال رکھیں تانجے ضلع رام بن مانہ محفوظ ڈرائیونگ نانہ  
 فروغ دتو جاسکے اس بارے مزید گل کرتا واں اے آر ٹی او رام بن گلدیپ سنگھ نے اس طرح  
 کہیو۔

\*\*\*\*\*

## LEMON FARMING

ادھمپور گو ایک 65 سالہ لمو کاشتکار نوجوان نابہ سرکاری سکیمیں توں فائدو چا گے  
 کاشتکاری کرن گی ترغیب دے ریوہے اُنہاں نے محکمہ باغبانی نانہ سہراتا واں کہی و جے  
 محکمہ گی حمایت سنگ میں دور دراز عکلاقاں مانہ لیمو گی کاشتکاری کی ہے جس سنگ  
 اُن ذریعہ معاش خاصو بابدو بوو ہے اُن گو یوہ وی کہنو تھو جے پی ایم کسان ندھی سکیم غے  
 تحت اُنہاں نے سبسڈی وی حاصل کی ہے۔ اس زمن مانہ اُنہاں نے نوجواناں نانہ منشیات توں  
 دور رکھن خاطر ذرعات گی طرف رغبت دلاگے اپنا معاشی حالات نانہ بہتر کرن مانہ اُن غی  
 مدد کی ہے۔

\*\*\*\*\*